

gvendis, cuneo latitudine basali vix longiore; membrana angulo interiore areae majoris fere rectangulari; tibiis spinulosis, tarsis linearibus posticis margine inferiore articuli primi eidem secundi aequae longo. *H. scutellatum* Dist. et *H. variegatum* Dist. examinavi.

23. *Cyrtocapsidea* nov. gen. (Fig. 11).

Corpus breviter ovatum, alte convexum, superne et inferne squamulis albis vel aureis faciliter divellendis in maculas collocatis vestitum, pronoto scutelloque dense subtiliter punctulatis, hemielytris laevibus. Caput sat leviter nutans, basi pronoti fere duplo angustius, a supero visum pronoto saltem $\frac{1}{3}$ et latitudine sua cum oculis fere $\frac{1}{4}$ brevius, vertice immarginato; ab antico visum latitudini cum oculis longitudini subaequale, infra oculos sat acuminato-productum; a latere visum altitudine basali paullo longius, fronte leviter declivi, clypeo usque a basi oblique fortiter promenente, basi fere in tertia basali parte altitudinis capitis a latere visi posita, angulo faciali acuto, loris haud convexis, genis humilibus, gula longa, leviter obliqua. Oculi minute granulati, fere toti ultra angulos anticos pronoti exserti, in genas longe extensi, orbita interiore apicem versus divergentes et leviter sinuati. Rostrum apicem coxarum posticarum attingens, articulo primo caput vix superante. Antennae sat alte supra apicem oculorum interne insertae, articulo primo sublineari, apicem clypei haud attingente, secundo margine basali pronoti multo brevior, versus apicem sensim incrassato apicique primo aequae crasso, ultimis gracilibus, simul sumtis secundo vix longioribus, tertio quarto longiore. Pronotum latitudine basali paullo brevius, apice quam basi saltem triplo angustius, lateribus late sinuatis, strictura annuliformi apicali crassitie articuli primi antennarum crassiore, disco postice fortiter convexo, versus apicem sat fortiter declivi, utrinque ad angulum basalem leviter impresso, angulis posticis fere rectis, margine basali toto late rotundato. Scutellum pronoto circiter $\frac{1}{3}$ brevius, basi sat anguste detecta, parte apicali fortiter cumulato-elevata, ipso apice depresso. Hemielytra abdomen paullo superantia, corio apicem versus